

Resumo da predición para os próximos días

Predición elaborada o 15 novembro 2019

Comentario para o venres, 15 novembro

Galicia continuará na influencia da borrasca fría localizada ao norte da península Ibérica, que tenderá a debilitarse ao longo da xornada. Deste xeito os ceos estarán moi anubrados no norte, abríndose máis claros no sur; os chuvascos serán máis frecuentes na metade norte, onde aínda poderían vir acompañados de sarabia, sendo máis ocasionais no sur. A cota de neve moverase entre os 800 e os 1000 metros. As temperaturas non terán cambios, polo que a sensación continuará a ser de frío. Os ventos soprarán fortes de compoñente norte no litoral e zonas altas do interior e moderados no resto.

Comentario para o sábado, 16 novembro

O sábado será un día de transición á espera da chegada dunha fronte asociada a unha borrasca situada sobre as Illas Británicas. Así-, os ceos estarán parcialmente anubrados, con chuvascos illados no norte e leste durante a mañá; co avance da tarde comezarán as chuvias na franxa atlántica e iranse estendendo a toda Galicia na noite. As temperaturas ascenderán lixeiramente. O vento soprará do noroeste, virando a sur pola noite.

Comentario para o domingo, 17 novembro

O domingo volverán a predominar os ventos de compoñente norte que traerán chuvascos. Así, os ceos estarán parcialmente cubertos, con chuvias intermitentes máis probables e intensas no norte e leste da Comunidade. A cota de neve situarase nos 1200 metros. As temperaturas ascenderán, especialmente as mínimas. Os ventos soprarán do noroeste, con intervalos de moderado no litoral.

Comentario para o luns, 18 novembro

O luns será un día de transición á espera dunha nova fronte que chegará pola noite. Así, comezaremos a xornada cos ceos anubrados e aínda a posibilidade dalgún chubasco a primeiras horas. Co avance da xornada iranse abrindo claros e á noite os ceos cubriranse e as chuvias comezarán pola franxa atlántica. As temperaturas mínimas sufrirán un lixeiro descenso, mentres que as máximas quedarán sen cambios significativos. O vento comezará o día froxo de compoñente norte e irá virando a compoñente sur.

Comentario para os vindeiros días

A vindeira semana Galicia estará baixo a influencia de distintas borrascas que se achegarán polo Atlántico. Deste xeito, agardamos unha alta probabilidade de chuvia, acompañada de ventos do sudoeste. As temperaturas terán poucos cambios neste período, sendo propias da época do ano.



Boletín fitosanitario de avisos e informacións

15/11/2019 Ourense

Froita - Mazá

AVISO FITOSANITARIO - 2019 11 15

MACEIRA

Pragas e enfermidades seguidas durante o 2019:

Pulgón cincento (*Disaphys plantaginea*)

Pulgón verde (*Aphis pomi*)

Pulgón lanixero (*Eriosoma lanigerum*)

Verme da mazá (*Cydia pomonella*)

Broca (*Zeuzera pyrina*)

“Orugueta del almendro” (*Aglaope infausta*)

Corta-gromos (Corta brotes - *Rhynchites caeruleus*)

Gurgullo da flor (*Anthonomus pomorum*)

Otros gurgullos da flor: *Tropinota squalida* e *Oxythyrea funesta*

Escolítidos (*Xyleborus* sp.)

Moteado (*Venturia inaequalis*)

Oidium (*Podosphaera leucotricha*)

Monilia (*Monilia* sp.)

Cancro (*Nectria galligena*)

“Fuego Bacteriano” (*Erwinia amylovora*)

Recomendacións:



Para dar por rematada a campaña de avisos fitosanitarios, unha vez recollidas as distintas variedades, tanto de mesa como de sidra, debemos realizar un tratamento de outono.

A caída fisiolóxica das follas produce pequenas lesións que poden ser a vía de entrada na planta de distintas enfermidades. Por iso, as aplicacións con produtos cúpricos, durante esta época, son recomendables para favorecer a súa cicatrización evitando infeccións producidas por fungos.

Ademáis, estes produtos pretenden reducir as formas invernantes de fungos e bacterias que se asentan de maneira epífita no exterior das árbores.

No caso das froiteiras de pebida (maceiras e pereiras), o tratamento pode ser eficaz para atenuar os danos que na próxima campaña pode ocasionar a bacteria causante do “fuego bacteriano”, e fungos que producen enfermidades fúnxicas como moteado, septoria...

Por todo isto, é recomendable utilizar compostos de cobre, realizando 1 ou 2 tratamentos durante a caída da folla.

Facer dúas aplicacións con produtos cúpricos:

1. Co 50% das follas caídas.
2. Co 100% das follas caídas.

Facer unha sóa aplicación, co 75% de defoliación.

Os compostos de cobre teñen restriccións importantes nas condicións de uso. Debe prestarse atención a:

Os cultivos sobre os que se pode aplicar cada formulado.

O período de tempo no que pode facerse.

Prazo de seguridade.

Dose.

Cantidade máxima de cobre que se pode empregar por hectárea e ano.

Compre respectar as indicacións da etiqueta e comprobar a folla de rexistro (Ministerio de Agricultura, Pesca e Alimentación).

(ver tabla)



MATERIAS ACTIVAS CÚPRICAS AUTORIZADAS EN FROITEIRAS DE PEBIDA

MATERIA ACTIVA	CONCENTRACIÓNS (%) E	
	FORMULACIÓNS	AUTORIZACIÓNS
Hidróxido cúprico	50WP	Froiteiras de pebida e oso.
	50WG	Froiteiras de pebida.
	30WG	Maceiras
	20WG, 25WG, 35WG, 40 WG,	Froiteiras de pebida e oso.
Oxidloruro de cobre	25WG, 30WP, 37'5WG, 38SC, 50WG, 50WP, 52SC, 70SC.	Froiteiras de pebida e oso.
Hidróxido cúprico + Oxidloruro de cobre	(13,6+13,6) SC	Froiteiras de pebida e oso.
Óxido cuproso	50WP, 75WG	Maceiras, pereiras e froiteiras de oso.
Sulfato cuprocálcico	12'4SC, 20WG, 20WP	Froiteiras de pebida e oso.

SC: Suspensión concentrada

WG: Granulado dispersable

WP: Pó mollable

tabla: Materias activas cúpricas autorizadas en froiteiras de pebida